

Հայաստանի Հանրապետության Արագածոտնի մարզպետարանում 28.02.2014թ. տեղի ունեցած մարզխորհրդի նիստի

Մասնակցում էին՝

- Ն.Մովսիսյան** մարզպետի տեղակալ
- Մ.Աբգարյան** մարզպետի տեղակալ
- Հ.Գևորգյան** մարզպետարանի աշխատակազմի ղեկավար
- Ռ.Մկրտչյան** մարզպետարանի աշխատակազմի ղեկավարի տեղակալ
- Հ.Օհանյան** ՏԿՆ ներկայացուցիչ
- ՀՀ Արագածոտնի մարզպետարանի աշխատակազմի կառուցվածքային ստորաբաժանումների ղեկավարներ
- ՀՀ Արագածոտնի մարզի համայնքների ղեկավարներ

Օ Ր Ա Կ Ա Ր Գ ՈՒ Մ

1. Գարնան գյուղատնտեսական նախապատրաստական աշխատանքների կազմակերպման ընթացքի մասին /զեկ. մարզպետարանի աշխատակազմի գյուղատնտեսության և բնապահպանության վարչության պետ Յու. ԱԶԱՏՅԱՆ/:
2. 2014թ. համայնքների բյուջեների կազմման գործընթացի մասին/ զեկ. մարզպետարանի աշխատակազմի ֆինանսական և սոցիալ-տնտեսական զարգացման վարչության պետ Ն. ԳԱԼՍՏՅԱՆ /:
3. Կրոնական կազմակերպությունների կողմից մարզի համայնքներում կատարած կամ կատարվելիք աշխատանքների մասին: /զեկ.՝ ՏԻՄ վարչության պետ Ս. ՀՈՎՍԵՓՅԱՆ/:
4. Համայնքների ղեկավարների աշխատակազմերում հաստիքների կրճատման, համայնքային կառավարման տեղեկատվական համակարգի ներդրման և շահագործման, համայնքներում աղբահանության կազմակերպման աշխատանքների կազմակերպման մասին: /զեկ.՝ ՏԻՄ վարչության պետ Ս. ՀՈՎՍԵՓՅԱՆ/:
5. Տեղական ինքնակառավարման մարմինների կողմից դրամական պահանջների վերաբերյալ կայացված որոշումների հարկադիր կարգով կատարման հնարավորությունների մասին: /զեկ.՝ ՏԻՄ վարչության պետ Ս. ՀՈՎՍԵՓՅԱՆ/:
6. Հայտարարություններ

Արագածոտնի մարզում կայացավ մարզխորհրդի նիստ, որին մասնակցեց ՀՀ գյուղատնտեսության նախարար Սերգո Կարապետյանը: Իր ելույթում նա 2013 թվականը հանրատնտեսության և վերջինիս համատեքստում Արագածոտնի մարզի գյուղատնտեսության համար հազվադեպ արդյունավետներից է համարել, անդրադարձել պետական օժանդակման այն ծրագրերին, որոնց, ինչպես նաև մեր գյուղացիների ջանադիր աշխատանքի շնորհիվ է հնարավոր եղել ապահովել նման արդյունքները:

Խոսելով ընթացիկ տարվա խնդիրների մասին, նախարարը լավատեսորեն ասել է, որ հանրատնտեսության Նախագահի հանձնարարությամբ պետական օժանդակման ծրագրերը շարունակական են լինելու, գյուղացին կրկին մատչելի գներով ձեռք է բերելու սերմացու, պարարտանյութ ու դիզելային վառելանյութ, ինչը, միջազգային հեղինակավոր կազմակերպությունների համագործակցությամբ Հայաստանում իրակացվող ծրագրերի հետ, հնարավոր է դարձնելու կրկնել նախորդ տարվա ձեռքբերումները: Նշված ծրագրերից նա առանձնապես կարևորել է «Համայնքների գյուղատնտեսական ռեսուրսների կառավարման և մրցունակության» ծրագիրը, որով մարզի մի շարք համայնքներում հիմնադրված արոտօգտագործողների սպառողական կոոպերատիվները կարճ ժամանակում ապացուցել են իրենց տնտեսական շահավետությունը: Անցյալ տարի ծրագրի շրջանակներում նրանց հատկացվել է 19 տրակտոր և 27 գյուղատնտեսական այլ տեխնիկա: Ընթացիկ տարում նախատեսվում է խնայված միջոցների հաշվին մարզի ևս մի քանի համայնքներ ընդգրկել նշված ծրագրում: Նրանց նույնպես գյուղատնտեսական տեխնիկայի նոր խմբաքանակ է սպասում:

Նախորդ տարվա լավ աշխատանքի ու բարձր արդյունքների համար նախարարը «Գյուղատնտեսության նվաճումների» ոսկե մեդալներով պարգևատրել է Թաթուլ և Արագածոտն համայնքների ղեկավարներ Ալբերտ Հարոյանին և Մելսիկ Ղազարյանին:

Մարզի գյուղատնտեսության ևս 10 առաջավորներ արժանացել են գյուղատնտեսության նախարարության շնորհակալագրերի:

Այնուհետև նախարարը պատասխանեց համայնքների ղեկավարներին հետաքրքրող հարցերին:

Մարզպետ Ս.Սահակյանը իր շնորհակալությունը հայտնեց գյուղատնտեսության նախարարին համագործակցության և մարզում գյուղատնտեսության ոլորտում եղած թերությունների վերացման հարցերում ցուցաբերած աջակցության համար:

Մարզպետը նաև ամփոփեց մարզխորհրդի նիստում քննարկված հարցերը: Դրանք վերաբերում էին գարնան գյուղատնտեսական աշխատանքների կազմակերպմանը, հակակարկտային և մեքենատրակտորային տեխնիկայի նախապատրաստությանը, կուտակային կենսաթոշակային ծրագրի ներդրման գործընթացին, համայնքային բյուջեների կազմմանը և այլն:

1.Յու.Ազատյան-մարզպետարանի աշխատակազմի գյուղատնտեսության և բնապահպանության վարչության պետ:

---Զեկուցողը ներկայացրեց 2014 թվականին մարզում կատարվելիք գարնան գյուղատնտեսական աշխատանքների ընթացքի մասին:Տրվեց տեղեկատվություն անասունների գլխաքանակի հաշվառման, գյուղատնտեսական տեխնիկայի նախապատրաստության, հակակարկտային և մեքենատրակտորային տեխնիկայի նախապատրաստության, ինչպես նաև սերմացուների, դիզելային վառելիքի և պարարտանույթերի պահանջարկի վերաբերյալ:

2.Ն.Գալստյան- մարզպետարանի աշխատակազմի ֆինանսական և սոցիալ-տնտեսական զարգացման վարչության պետ

--- Տրվեց տեղեկատվություն 2014 թվականի բյուջեների կազմման վերաբերյալ: Առաջարկվեց բազային թվերը համապատասխանեցնել պլանայինի հետ և տեղ գտած անճշտությունները ներկայացնել բացված տեսքով: Խոսվեց նաև «Կուտակային կենսաթոշակների մասին» ՀՀ օրենքով սահմանված ամսական բազային եկամտից 5% կուտակային պարտադիր վճարի մասին:

3.Ս.Հուսեփյան- մարզպետարանի աշխատակազմի ՏԻՄ վարչության պետ

--- Զեկուցողը խոսեց համայնքային կառավարման տեղեկատվական համակարգի (ՀԿՏՀ) ներդրման և շահագործման աշխատանքների մասին , որոնք գտնվում են մարզպետարանի աշխատակազմի մշտական ուշադրության կենտրոնում:

Նշվեց, որ ՏԻՄ օրենքի 54 հոդվածի 10-րդ կետին հանաձայն պետք է ստեղծվեն համայնքների ղեկավարներին կից խորհրդակցական մարմիններ և դրանք կցել ավագանու նիստերի որոշումներում:

ՀԱՅՏԱՐԱՐՈՒԹՅՈՒՆՆԵՐ

1. Ն.Մովսիսյան- ՀՀ Արագածոտնի մարզպետի տեղակալ

--- «Հեյֆեր Փրոջեքթ Ինթերնեյշնլ» միջազգային կազմակերպության հետ համագործակցելու վերաբերյալ: «Հեյֆեր Փրոջեքթ Ինթերնեյշնլ»-ն աջակցում է արոսոգտագործողների կոոպերատիվների (ԱԿ) ստեղծմանը, կայուն զարգացմանն ու կառավարմանը: ՀԳՌԿՄ ծրագրի շրջանակներում գյուղտեխնիկայի գնման համար ԱԿ-ներից պահանջված 50% համաֆինանսավորման գումարի 30%-ը փոխանցում է կազմակերպությունը, իսկ 20%-ը՝ կոոպերատիվը:


--- Հայաստանում Շվեյցարիայի կողմից ֆինանսավորվող ծրագրերի իրականացման վերաբերյալ:

2. Ն. Գալստյան- մարզպետարանի աշխատակազմի ֆինանսական և սոցիալ-տնտեսական զարգացման վարչության պետ

--- ՀՀ 2015թ. բյուջետային գործընթացն սկսելու մասին ՀՀ համայնքներին տրվող մեթոդական ցուցումների փաթեթը համայնքների ղեկավարներին տրամադրելու վերաբերյալ:

3. Ս. Հովսեփյան-- մարզպետարանի աշխատակազմի ՏԻՄ վարչության պետ

--- Ավտոմեքենաները պարտադիր ապահովագրության չներկայացնելու համար վարչական պատասխանատվության ենթարկված քաղաքացիներին տրամադրել պահանջվող տեղեկանքներ՝ գույքահարկի մասով պարտավորությունների կատարման համար:



Ս.ՍԱՀԱԿՅԱՆ